

四庫全書

集部

欽定四庫全書

集部

具茨詩集

總目
卷一至四

詳校官庶吉士臣柳邁祖

中書臣劉源溥覆勘

總校官進士臣繆琪

校對官學正臣蔡必昌

謄錄監生臣劉璠

欽定四庫全書

集部六

具茨集總目

別集類五

明

詩集

卷一

擬古詩

卷二

五言律

卷三

歌行

卷四

七言律

卷五

五言絕句

七言絕句

詞

文集

卷一

賦

頌

表

卷二

論

議

卷三

傳

記

說

卷四

序

卷五

書

疏

碑

箴

銘

卷六

雜著

卷七

文

銘

表

狀

卷八

論

表

遺藁

論

表

策

臣等謹案具茨詩集五卷文集八卷遺稿一卷明王立道撰立道字懋中無錫人嘉靖乙未進士官翰林院編修其詩冲融淡泊不為奇險之語取法在中唐錢劉之間但微嫌婉弱文則縱橫自喜頗於眉山為近其論文書有云兵無常形以正勝者什九文無常體以奇善者什一盤誥之文則六經之什一耳效

而似者猶未可為常而況其萬不類也哉其
言深中當時北地諸人摹倣周秦之弊即其
所為文亦可識矣原目載詩集五卷文集七
卷附錄一卷今詩集之末復載補遺附錄二
十餘首文集七卷之後亦增論表等十餘篇
為一卷載於附錄之前而附錄後又別載遺
稿一卷蓋其後人掇拾而成零星續入故與
原目不相應耳今為更定其次至附錄一卷

所載敕命誌傳等作辭多溢美無關考據並
從刪削云乾隆四十四年二月恭校上

總纂官臣紀昀臣陸錫熊臣孫士毅

總校官臣陸費墀

--	--	--	--	--	--	--	--

欽定四庫全書

具茨詩集卷一

明 王立道 撰

擬古詩

擬青青陵上栢

飛飛草上塵皚皚壑中冰天地若大冶誰能久寓形親
交在閒暇斗酒相招尋樂飲未終竟駕言遊帝城帝城
何巍巍車馬如流星連雲開甲第繡戶連朱甍歌鐘日

暮起四屋明華鐙且盡生前樂何知身後名

擬今日良燕會

來日不可知今夕聊自娛投壺雜六博鳴鼓吹笙竽酒
酣援筑起一擊一泣如四座發慷慨欲語還拊髀天天
桃李花榮華能幾時何不奮長翮致身青雲梯無為若
鷁鷁一枝獨卑棲

擬迢迢牽牛星

隱隱西山陽翩翩孤鳳凰欲棲無梧桐欲食無玕琅浮

雲翳朝日荆杞生高岡瀛海萬里濶九天何茫茫丹書
未能吐千仞安得翔

擬生年不滿百

人生不百年幼老居其半況復晝夜分憂疾多縈絆但
恐日不足誰言樂未央無為效貪夫擾擾聲利場自昔
惟軒轅乘雲遊帝鄉

擬東城高且長

河水廣且深浩浩不可涉濃霜摧蕪葭蘭芷奪幽色春

華復幾時忽已秋節易蟋蟀憂太康山樞意逾戚對酒
不作樂鬱鬱何所適邯鄲多才人綽約傾城國皓齒雙
蛾眉盈盈歌白雪曲終竟誰和觀者徒千百徘徊振衣
袂淒然淚霑臆願為雙飛鴻青冥舉長翮

擬冉冉孤生竹

離離寄生草施彼南山松而我求婚媾荏苒托飛蓬飛
蓬易轉蕩夫婦安得終結髮不再暮棄我如飄風重閨
咫尺間君心邈千重彼美荆山璞瑩然白玉中良工不

見剖瓦礫相詬蒙君寧長棄捐妾心守孤忠

擬明月何皎皎

庭中芙蓉花冉冉朝露晞渥膏不能沐歛髮出重闌故鄉諒不惡何為在天涯仰天長歎息入戶復躊躇盼盼芳樹枝悲風入我帷

擬庭中有奇樹

南山有松柏女蘿相纏綿攀枝采女蘿感歎終無言草木自因依何況骨肉間緘蘿寄同父路遙安得便

擬迴車駕言邁

驅車臨廣陌駕言歸故鄉
天空木葉下百草淒以黃
萬物有衰歇人命安得長
駸駸西日頽桑榆留夕陽
停軌失咫尺疾騁無迷方
黽勉崇令德千載垂清光

擬去者日以踈

來者未有極往者良已矣
道傍壟成行日夕多風雨
黃蒿塞墓門颯颯青楓樹
重關扃幽泉螻蟻相料理
悲彼遠遊人不如疾歸止

擬驅車上東門

驅車出北邙高墳何累累狐狸晝躑躅豐碑隱蒿萊人
云漢將相奕奕多賢才一朝隨物化千秋委寒灰流光
歟飛電東月忽西頽黃泉如尾閭去者不一回我欲志
竹帛虛名安在哉不如且行樂旨酒盈我杯

擬凜凜歲云暮

肅肅秋節至草腐夕螢飛衆芳盡零落霜露沾人衣衣
沾不足惜惜此綺羅襦錦衾憐獨旦彷彿夢見之執手

相晤言燕婉追昔時願得同予美兩情終不渝誓言未
終竟恍然出中閨不如鴛鴦兩兩相迫飛日出倚庭
樹彷徨戀落暉耿耿抱素志淚下不自知

擬客從遠方來

客從江東來遺我五色綰一心不相忘萬里詎云遠手
裁合歡襦加以錦繡緣餘為連理帶雜佩相糾纏霜淒
北風寒與子常相見

擬行行重行行

一日復一日與君久離別妾身在漢陽君居泰山側川
阪東西長欲往無輿楫吳牛不北轅燕鳥無南翼日月
有晝夜妾心靡朝夕冥冥塵滿天欲歸路安適冉冉歲
云莫坐凋紅芳色相思勿復陳黽勉期令德

擬青青河畔草

天天陌上花紛紛桃與李迢迢綺樓端楚楚倡家子翩
翩翠袖垂盈盈歌皓齒新人良足娛故歡棄如屣涼風
驚素秋芳華難久恃

擬明月皎夜光

流火下西極
蟋蟀鳴東廂
涼颼奪炎熱
白露凝清光
百草非故色
木葉萎以黃
昔與二三子
學道欣同方
翻然棄舊好
振羽高雲翔
河漢不可涉
織女空七襄
人心異於面
相知安得長

送全翁掌教常熟

聖遠斯道熄
諂諂世爭鳴
詞華蕩文士
章句老經生
豈無董韓徒
千載猶晨星
青紫開捷徑
身名以為榮
淪胥

迨有宋羣哲時乃興長夜發熒燭迷途始知津聖代振
昌運鄉國儲才英詩書被遐壤登堂藹儒紳嗟彼祿利
途猶為後進縈憶昔安國子蘇學卓有聲先生富道德
弟子多循循孰云教已頽而不由人行佇看春風滿桃
李羅前庭

院中秋對月

秋期忽已半淒淒天氣涼豈不悲搖落惜此滿月光流
輝掩南極素影迴東方城霞散如綺庭露森成霜列星

失其耀玉繩何微茫徘徊廣除吸景行急觴願因三
五夕復見重輪祥繼明溥離照千秋永無疆

送盧子才

翩翩孤鳳凰鏘鏘鳴朝日長風暗天微零落梧桐葉琅
玕飽雞鶩佇立不能食側翅下高岡饑飛向江浙獨鵠
中道逢語臆長歎息相期早來儀林棲多枳棘

雲峯卷為沈夷齋題

南山鬱嵯峨下有高士廬列峯瞰虛牖流水循東隅荒

徑罕人跡空梁見懸車主人日杖屨徒倚臨前除朝看
山上雲日夕忘所如豈無章紱貴愛此田園居乞身自
強健何如漢二疎愧我戀斗粟不能共焚魚

達人未忘物卜居當雲峯雲以擬時故峯以況高蹤千
仞自壁立萬變從飄風豈以絕世標寄茲聚散中峰雲
本兩忘兀坐觀太空

騏驥知畏塗駕馬無停足蕭檝連林青霜摧蕙如東雷
同不違時高明自疑俗之子起百里整轡驚長轂何當

中路旋悠悠向空谷巖居謝世紛停雲想賢躅結組非
趨榮投簪乃辭辱滔滔復何為遠道多傾覆

輓陳茶丘

悠悠丹旆發漠漠素車迴落日猶殘草空牆自古槐夙
期書竹帛奄見泣瓊瑰東魯悲顏夭西京惜誼才玉樓
須作記金谷漫浮埃千里駒中蹶三秋蕙早摧德星無
復聚薤露不禁哀願學燃犀術流光照夜臺

送沈夷齋

素秋金氣應涼颼，蕩炎蒸，仰觀衆星列，俯聽幽蟲吟。申旦不能寐，攬衣步前庭。我友逝言邁，告我東南征。誰云東南近，萬里越重城。浮雲浩無極，我思何能任。飲以金屈卮，歌我吳趨行。聊且娛酣宴，無為獨霑纓。

飛來雲中鴈，什伍自成行。如何同心友，各往天一方。憶與君相見，桃李熙春陽。共感時華盛，交勵名揚胡。然忽離迹，飛藿卷寒霜。天時有代謝，人事安可常。不見參與辰，出沒遙相望。雖有盈樽酒，何能解中腸。

宛宛庭中蘭三年植芳塢馨香忽盈袖采掇驚華滋詎
意涼颼起吹向天南涯草木有臭味開發異根蕤空令
中畹蕙揜抑淒光儀願得因迴風返我故畝畦

夏夜泛梁溪

幽尋極寥廓理棹清溪長落日照孤嶼微風生夜涼須
臾遠霧淨百里開湖光漁子相傍宿月明歌滄浪採芳
不能浴悄然悲沅湘

賦得雲谷送徐西巖司甌寧訓

遠樹圍越岑猶疑見殘暑緩策恣幽探翛然若遐舉山
空世氛歇閒雲獨來去夕陽照谷口當時讀書處回首
紫陽人因之理芳緒

題宜山

顯晦有本性之子亦何宜坐石頽幽遐看雲陟嶽崎嵐
光逗蓬戶谷聲清蕙帷由來丘壑質豈伊軒組期時逢
山中叟杳然歌紫芝

垂月尋藕華居

湖上飛鳥還迴沿倦日夕曳衣遵前林轉見溪路窄疎
影落高樹荒堦悄行跡如聞異香滿微風起空碧何年
雨寶花散落神仙宅因之結琳宇度波渚有厄了知清
淨心祇以世氛隔還期濯塵纓此中長面壁

紫陽菴觀丁野鶴真身

客本山中人還向山中息伐毛滄海上煮石清溪側鶴
胎養玄牝蟬蛻遺金骨此身亦非我去來偶相值丹砂
誤時人空復鍊形質山房夜不扃孤猿嘯寒月

雲居寺

山徑白雲滿，冷然見鳴鐘。
黃緣出木杪，古殿蒼苔封。
忽若萬頃濤，天風下長松。
迢遞轉幽壑，煙蘿迷石叢。
頗疑去人境，乃與城南通。
粉堞明參差，俯視百里中。
地分意自隔，山迴趣乃窮。
怡悅良自足，幽期誰與同。

湖上山閣夜眺

湖中景初晏，四山澹寒烟。
丹楓不辨色，翳翳隨清漣。
獨往無扁舟，把酒臨層巔。
高閣聊騁望，星河亘長天。
漁火

深夜出前溪聞扣舷攬衣不能寐起詠滄浪篇

蘭石為華氏作

崇蘭出深谷孤石相因依突兀隱靈異歲蕤媚階墀綠
葉交紫莖隨風揚芬菲零露泣朝采莓苔生碧衣願言
紉雜佩芳華傷獨知同心曠修阻匪石良可希

李節推乃祖衡嶽齋手卷

衡山殿南荒上托朱鳥精鬼峨隱天半雲霞浩縱橫列
仙紛遺構千古含神靈玉洞饒寶籙紫文闕丹經至道

一得窺壽與天地并揮手揖洪厓長嘯招期生挺垓不
足游飄搖凌太清

楓潭詩

達人寡所營築室負嶇嶇下有千尺潭上有楓樹林豈
不邈遐阻雅尚在高深微風起中谷山水多清音出處
難豫謀下邑聊鳴琴匪伊三徑資劇理余所任因茲寄
幽跡泊然增道心

途中懷所知

遠道多滯淫孤舟遡煩暑山川異風壤鄉路餘幾許永
念同心人日夕成離阻芳辰闕良讌感物增憂緒鴻雁
起東南依依嘯羣侶而我獨緘情持觴對遙嶼

午日途中憶諸弟

令節迎始陽我行滯東魯弱艾稍含青菖花晚應吐憶
昨侍親闈燕賞亦已屢茲辰樂復劇盈尊湛清醕拜跪
獻中庭怡然共起舞鬪草惜餘歡勝負非有取離居忽
自今遺俗猶往古骨肉各相望有酒寧獨撫慙慙終永

日安得凌風羽

憶弟

曠歲懽一遇，悵別還自知。
池草萋已綠，遠遊意多違。
燕私阻晨夕，臨觴不能持。
身非隨陽鳥，春來獨分飛。
矯首望天末，風塵正滿衣。

橋隱郭翁墓於寵泉之瀨源，逖懷往哲，詩以吊之。
平林澹寒烟，重臺閼玄宅。
睠言懷高人，千秋晦貞魄。
昔希陸沈雅，尚儷泉石義。
訓良自嚴嘉祥著，清白芝蘭

盈我階青紫看成列瞻彼少微星一朝光景蝕河清木
已拱山空桂華寂老成久徂謝耿耿悲遺則

下邳子房祠圯橋故處

驅車入古城蒼茫遠山夕桑田湮碧流遺碑表阡術圯
橋幾千載衰土不盈尺寒鳥下荒蕪猶疑墮履跡昔此
開一編秦鹿紛爭逸老人亦天授寓言穀城北迹與四
皓俱名隨兩生匿祇令後世人空復祠黃石

溪行偶得顧氏別業

日入理輕棹所欲避人喧迴沿清溪側迢迢見孤村始
疑松菊逕復似桃花源林際見明月浦口聞驚猿嘯傲
倚修竹步履隨芳蓀本求於陵隱兼得辟疆園

關

將同漁父言

詠史

烏獲勝千鈞誰能盼蟬翼矯矯松與栢曾是猿狙杙用
小妨名材任輕羞絕力傳呂昔未遇寧為漁築匿垂雲
履風霆歛然周八極事功益商周名與天地匹惜無善

金史卷一百一十五
卷一
圖史英雄久淪沒

送駱兩溪謝病還武康

余從五湖來君向五湖去雖增睽攜戚頗羨山水遇蕭
條中林扉當時讀書處祿因多病卻賦以閒居著田里
遂初服江湖抱先慮幸蒙藥石餘一解余沈痼

平岡七夕見招風雨不克赴

佇看牛女會箕畢爾何如旅舍悲秋早華堂卜夜虛祇
憐衝短褐寧恨濕仙裾載酒還相許重尋水竹居弦月

行應滿招尋共直廬

喜雨

春來常少雨入夏更焦枯
遠近多荒壤流移已載塗
九重宵旰切百辟隱憂俱
已見崇周祀還聞賜漢租
陰雲迎曉結甘澍應時須
颯颯來千嶂森森散八區
野烟浮菽麥夕照失桑榆
水濶魚龍走城高鳥雀呼
鬱蒸愁並減霑灑唱先蘇
此日休徵應謳歌滿帝都

送人上陵

列聖玄宮閱千年佳氣浮雲深九疑顛風動五陵秋流
水期同體因山本儉謀蕭條玉几在彷彿翠華遊龍去
誰云遠遺弓泣未休

王侍御席上觀畫水

三江何處落一座忽皆傾颯颯風翻檻冥冥雨暗城魚
龍春已化罔象夜偏驚轉燭波縈日傳杯浪逐萍圖窮
疑見岸流急不聞聲試問繡衣使仙槎幾度行

送嚴都事使浙

幕府三秋客清江八月槎論兵初報主學禮早承家仙
仗催行色鄉情寄物華高堂時倚望歸旆莫令賒

擬古

手搴芳桂枝瑤華復盈把欲遺同心人道遠無車馬秋
來涇渭深橋梁不可假時久傷萎摧愴然棄中野

雜詩

太牢饗雜縣不能飡一臠至味芳且腴無乃非鳥養嗜
淺才廼疎厚殖意彌廣為農卒吾歲喜得從偃仰肉食

乘華軒真性多所枉

高樹畏多風蔓草日見薙奇質罕自全下士甘淪棄材
與不材間莊生以為處詹尹時不逢斯言竟何是

詠史

昔聞陸大夫聲譽傾西都詩書牖明主將相欽良圖解
橐庭下散擊鮮里中娛本期樂當年寧復憂妻孥名位
不可常多財還自愚惜哉絳灌徒功成何區區

館陶主人翁洛陽賣珠子散金買聲名寵愛傾戚里翩

翩東方生滑稽何其鄙一朝辟戟言萬乘逡巡起雄略
代所希舉俗憎逆耳坐令狐鼠驕白日遊都市

題石厓卷

蚤歲慕探歷浪迹游江湘朝遡洞庭波夜發漢水陽漢
水日東逝鴻雁多南翔感此惜餘景駕言返故鄉徙倚
桂枝晚夷猶春草芳開林發幽峭陟巘披遐荒寒蕪被
廣隰陽葩耀崇岡市隱豈云易巖棲聊徜徉赤松與王
喬末路期相將

連峰何巔岼深谷自逶迤境阻塵慮絕眇迴物趣奇有
時發清嘯四山生寒姿天際征鳥疾木杪驚猿窺迴颺
激長林浮雲亂層谿宇宙意自豁簪組復何為

為王允寧贈婦四首

僕惟晉二陸為彥先贈婦詞並清麗可玩誦而後之
擬作者絕焉無聞豈不以嫵婉之恩遠於大雅然哉
昨偶披晉輯聊復為王子作之雖才謝機雲庶幾古
人發乎情止乎禮義云爾不識覽者以為然否

肅肅整晨駕行行出秦中
百里日復舍暮天多寒風
豈不憚雨雪王事縻我躬
念此如宿夕胡然隔春冬
矯首望西南雙雙見飛鴻
飛鴻有羽翼天路將安從

北征日以遠遠道衣裳單
春風薄天涯閨中常自寒
辛勤理機杼日夕掩重闕
上堂親飯姑下堂不能飡
離離芳樹枝脈脈終無言

東城十二樓迢迢青雲端
盈盈誰家子灼灼桃李顏
朱脣揚妙曲寶瑟流哀彈
三歎有餘音一顧傾城觀
信美

匪吾思秦聲故所歡寸心常不隔所恨曠周旋願言保
管蒯令德良獨難

黃鵠千里遊燕雀巢屋梁小人事齷齪丈夫志四方念
子疇昔言沈思激中腸赫赫盛明時羣賢並翱翔朝趨
銅馬門夜直金華堂韓鄭互推轂貢生彈其冠所期崇
令名室家自輝光無為兒女仁慙慙懷故鄉

雪屏為趙考功賦

佳人愛南麓卜築擬東山地勝非因選巖幽自可攀海

成人耳抱石綴雪膚斑高下鳥留道逶迤龍作闕昔稱
萬夫險今共一川閒蠻市喧林際夷歌出谷間峯疑巫
峽裏水似武夷灣久憶滄洲侶聊從青瑣班江花幾開
落溪月自潺湲魚鳥丘中賞風塵天畔顏山陰空寄興
安石未應還

宿益上人房

流覽及茲辰盤紆陟崇巘冥色下巖扉鳥啼前林晚涼
風起松杪谿雲自舒卷幽期一以愜相對各忘返倚石

聽樵語持經共僧飯試問山人何如逢惠遠

晚還別墅

築室負東阡開門望禾黍水流滿新塍連疇何瀾瀾日
色時隱見濕虹卷殘雨蓑笠壠上兒牽牛飲清渚折蘆
行且吹兩兩前村去

初發鄉邑別親知

揆已慚蹇拙蚤為塵網嬰彌年謝朝列稍得任吾真游
息偶耕釣琴書澹餘清林園變時序端居念王程整駕

倏晨邁耿耿辭密親匪嗟倦行役曾是憂緇磷永懷千
里道中情難具陳

問故園

倦游無素業溪上聊避喧因茲役風塵轉復思丘樊蘭
徑日以合桂枝秋正繁斜景度書幌鳥鳴窺前軒谷口
迹已蕪北山意彌敦華組不足羈允懷明主恩

南村一首

我逢南村人為問南村路杳悄入蘿薜依微辨烟樹日

出散雞豚春至營農圃鄰里數相過壺觴自成趣城市
獨何為車塵滿朝暮

懷朱數疇

吾兄東南秀矯矯青雲姿弱齡美芳翰玄文吐奇思一
經夏侯學廿年董生惟雅志古人會獨行俗士疑獻賦
未云遇跼足清明時驥齒嗟已至曠波千里期何當逢
伯樂為君解紵衣

讓節圖為俞汝承題

有草目以萱英英倚孤岑皎皎歲寒節風霜詎能侵北
堂寧以清耿耿懷素心一朝結芳實藝之瓊樹林

邵氏貞孝卷

結髮事良人婉孌方及時何意忽棄捐百年曠前期鏡
破難復合鸞孤不成飛一死寧自惜念此乳下兒辛苦
理織紵伶仃母心悲撫兒兒有成宗祀幸不墮清冰出
寒潭白璧揚光輝風聲動里閭高門鬱崔嵬斯名吾何
心節苦良獨知黃鵠有遺歌千載令人思

履端詩館試

天行有終始貞元若連環玄冥頓窮轡勾芒行其官萬
物回春姿八荒同熙然王正啟休歷時龍躡乾端羣材
仰明哲藹藹共躋攀結綬金馬門論道雲臺間努力圖
不朽失時空自嘆

咏懷

解薜游京洛登朝襲華組拙疾寡所諧一心事明主寓
言或玩世為行多泥古巧宦寧寂寂學步終踽踽徒慚

短綆汲強作長袖舞子雲安執戟相如榮負弩徇祿祗
自疲謀道良有取卒歲何悠游永願營農圃

丁未歲病起入都有懷里中諸友作藥名詩貽之
微尚甘草萊桂枝自淹留爰附子年情謬寄生人憂半
夏涉長道天門足蔭休迢迢望南星遠志成倦遊藤蘿
蔓荆扉杞菊荒深秋防已挂塵網適當歸舊丘

鳥名

皇居肅鳳城迢遞干雲霓孔蓋凌風翔翠幘紛綺纈伊

余慕休名雀躍趨前摭射隼幸逢時鴻飛下羈紲差池
背雁行委蛇濫駕列彈冠侈鷁鷁含香重雞舌自憐鷁
鷁枝徒慚鷺鳩拙關雎詠清化鳧鷖際盛烈眷言守忠
貞寧復辭緇涅

草名

早為芸閣吏叢蘭春復秋吾道隨卷施誅茅溪水頭送
客靡蕪徑採芳杜若洲

雜詩二首

獨樹生窮谷枝幹何離奇本無廊廟用誤為匠石知斤
墨既錯陳青黃亦互施雖云托華屋寧復山林姿龍擾
失其神坐令燕雀疑玉成世所寶大璞還自虧造物固
其然豈得尤工師翻羨不材者終年養華滋

征途與日長逶遲及春暮山川異土風心賞邈難遇言
念中田廬幽期久淪誤臨流懷在澗攀林憶芳樹極浦
矚去帆平原羨歸羽迴沿窮昏旭逼側謝墳素遙負北
山文空擬歸田賦

書館述懷

涼秋肅金氣玉露凋青林微風拂虛牖蕭然吹我襟感
此時序易歲月何侵尋鄴侯架萬卷諸葛一長吟儒生
事稽古志士多苦音我昔仰尼父斯文以為任哲人久
云萎傳之回與參參乎唯一貫回仁三月心觀海登泰
山由來高且深夜央不能寐耿耿寧自今

論交

青青大田麻蓬生滿其中弱絲附直幹纏綿得所從古

人重友生資彼麗澤功傾蓋一相知白首此心同誰言
淡如水君子貴有終乾餱起愆怒習習多谷風平生握
手歡笑語藏機鋒利合誼還厚勢盡情自窮歌彼伐木
詩愴然感予衷

盆榴

嘉木來安石移根向玉堂亭亭傾翠蓋隱隱孕紅粧葉
潤初晞露花遲解待陽層陰清晝氣奇艷奪天香尺土
能滋幹三春獨揜芳佳廬多紫萼南國重朱房旖旎時

憑檻紛敷共映觴時無索馳子養樹說誰長

春郊即事

柔風吹綠野靈雨下桑田泥泥花間露霏霏草上烟鳴
鞭薊門道弭節燕臺邊芳樹連絲障垂楊拂錦韉未能
游曲水時復問溫泉地迴山川靜天高宮闕連相將瑤
瑟鼓共醉羽觴傳白日恒隨轉青春自可憐咏歸禁城
暮聊續名都篇

擣衣篇

樂府

玉關蕭索盡音塵不可期黃姑織女星遠耀隔天階露
氣侵蘭桂秋風吹鼓輦佳人理端素堅砧杵聲哀一聲
一惆悵一聲一垂洟妖蟾驚幽姿寒蛩相依啼風飄膏
蘭歇月照纖雲皚紈成閒潛闥張燧候剪裁初縫合歡
扇中裝驃姚衣驃姚重功名勒石燕然臺妾悲難重陳
嗚咽泉流知

具茨詩集卷一

欽定四庫全書

具茨詩集卷二

明 王立道 撰

五言律

詠汙渠鶴

華表歸何日
乘軒事已非
終朝獨含垢
所幸脫虞機
失侶頻看影
長鳴似訴饑
空餘出塵意
皎皎向寒暉

遊仙三首

仙人住玉京累劫道初成指樹元非姓
淪松偶得名龍
噓雲蓋引虎奉嶽圖迎相待天台路
何時返赤城

玉室書名久清溪得道初赤文河上
籙鴻寶枕中書龍
吐燒丹火鸞驂度海車偶來華表上
終與世人踈

何年海上客移住緱山岑未辨雲霞
色先聞鸞鳳音山
神供石髓童子問琴心一謁紫皇去
仙蹤不可尋

前湯菴

僻地多逢寺秋花滿石壇僧閒縫衲
坐客到出門看失

姓離羣久躬耕乞食難清言殊未厭車馬去長安

送嚴節推

佐郡聲名久辭家道路難那堪今日去猶是昔年官旌
節先春度爰書入夜看君平能自卜留滯不須歎

送陳守之任沂州

郟城今沂屬邑

餘春隨五馬千里去長安羨子成刀夢從人問鳥官花
迎新佩綬草長古雩壇政美偏多暇言追點爾歡

許院判挽歌二首

越人生死術何事不長年仙跡壺中隱神方肘後傳遺忠猶藥石故里自風烟應是軒農佐相將去九天

醫國早稱良金門數獻方忽聞騎鶴去無復入鵷行洗藥春流咽藏舟夜壑光長安今罷市相恨失韓康

送益上人南歸

苦行不求知清吟祇自怡來尋白馬寺去作紫衣師弟子邀升座山人覓贈詩還思渡杯處明月滿須彌

悼亡友

握手幾論文高才夙所聞將因厭塵網早已謝人羣
短風雲駛山空芝蕙焚不堪重挂劍宿草滿孤墳

正月雪和韻

長安春後雪猶自兆年豐萬里鴻歸處千門曉望同
氣融疑湛露質薄故衝風莫羨梁園賦應憐東郭窮

謁三忠祠

寥落遺忠像杉松古殿陰興亡問流水哀怨動禽志
厄當年會神垂異代歆獨臨車馬道應識往來心

春日閒居三首

我本陸沈久幽棲意自宜心清知俗遠地僻訝春遲
種竹先留徑移花欲傍池門前剡溪棹來往更無期

習靜因成癖春來常閉關山人留藥去稚子借書還
讀傳希高士攻辭媿小山猶牽青瑣夢供奉紫宸班

市隱不違親移居正及春未能從白社稍得謝緇塵
儼地但栽秫釣魚唯煮蓴時逢河曲叟笑我獨長貧

題畫

結宅千峰裏真堪與世違雲來似招隱鳥下為忘機
花徑緣溪窄茶烟帶雨霏有時還隱几應是灌園歸

村居感興三首

芳樹含春風鳴禽亂晴日藜蒿欲滿園掃除唯一室閒
情共水雲生計耽書帙時無問奇人悠然獨抱膝

翩翩高世情悠悠避時計築室近樵漁乘春樹蘭蕙雖
無求仲隣亦有君平藝不學同時人獻賦空靡麗

出郭車馬稀况復園林好言念當塗人翻悲灌畦老青

瑣久已疲玄文近能草澹然榮利間何如乞身早

喜唐應德見訪別墅二首

學隱畏逢人郊扉絕四鄰時多譏偃蹇子獨念交親
樹行相問幽蘭坐共紉還因漉酒便一解陶潛巾
閒居澹時好日倚檣梧吟幸枉空虛足重聞山水音
滄波投迹遠玄理寄言深野服君能慣從來多道心

秋日溪上偶成

本無羨魚意聊復上苔磯坐惜青蘋晚行攀碧樹稀
兒

童喧釣艇鷄犬狎鄰扉近喜桑麻好迎霜早授衣

晚起偶成

晚起獨悠然雲山滿目前常疑身是隱早覺性通禪
引清心月池分洗耳泉故園翻似客草色又經年

秋居用唐人韻得五首

平生軒組意不為慕輕肥身世變憐蛇風塵犬吠衣微
官百指累舊業五湖歸怪得驅馳久秋來雙鬢稀

本為悲搖落還因厭俗塵次公酒狂士方朔謫仙人偃

仰四空壁周旋一墊巾眼前無長物非是拙謀身

四戶啼蜚亂秋陰欲上階菊花收作枕草蔓緝成鞋得
句先書壁因琴別置齋溪雲與山月總不費安排

重來北山客却媿草堂靈窈窕鄭生谷寂寥揚子亭檢
山收地志盥手閱心經長日看逾短秋聲入夜鈴

木落隨寒雨林開際遠天水紋搖簟竹秋氣入琴絃倚
樹禽相語班荆鹿共眠機心日以盡自訝骨如仙

送駱質夫謝病歸湖州和王允寧二首

聞君舊隱處正傍太湖濱
課樹收柑子澆松養茯苓
祗緣身病累轉覺道情真
何日重開徑求羊卜爾鄰

高卧山圍屋幽吟竹遶町
闌雞新續句相鶴舊傳經
一鳥波間白千峰雨後青
相憐少同病怪爾室常扃

七夕雨二首

漢渚邀靈匹幽盟此夜尋
盈盈唯一水暮暮更為雲
灑道流餘潤揚波蕩夕氛
含情愁雨絕隨淚點羅裙

靈鵲翻占雨神京似灌壇
迎針絲亂度映燭淚先殘
機

石新含潤河梁欲下湍尋源海上客昏黑路應難

送高都諫倅廣東藩幕

憐君香紫吏久奉紫宸朝暫解荷囊去言從徽省招秋
經吳苑樹晨望海門潮遠近無須問平原欲試蕭

鄉園偶成

為園非擇勝所欲奉親娛樹與人俱散溪因主亦愚官
卑情自澹戰勝體猶臞敢謂輕纓冕出門多畏途

讀李忠定靖康傳信錄二首

國勢已紛如忠賢久見疎天心未悔禍兵事竟成虛玉
府非金穴魚符是蠟書空聞求內禪猶自昧前車
治亂亦無端興戎自晏安會因千道設獄擬萬年看城
下盟初合宮中戲未闌可憐忠定淚獨灑北風寒

幽居

幽居何處是一徑落花中人似鹿門隱溪將剡水通閒
尋種瓜伴因識養雞翁獨往平生意多岐祗自窮

途中暑寄所知

旅泊淹中夏愁添毒熱新時逢隔水騎相顧滿衣塵擇
木頻移蔭貪程更問津不緣趨捧日長作北窓人

寄趙孟靜

時方在告

一官常卧病知爾學沈冥對客稱居士呼兒說道經支
離堪混俗猿鳥共忘形為識峨嵋老年來畏獨醒

舊愛山中宿因成方外遊寫經多施寺草賦獨登樓耿
介於陵子栖遲馬少游未能諳蜀道夢爾到滄洲

卜居後東吳曰靜歐學章

與君數相見但訝往來疎不惜買隣費初營近
市居卑棲隨燕雀長物載圖書何日登樓賦虛名
愧應徐

賀王允寧移居二首

允寧太夫人迎養於京師故
首章云

仄徑不容車迢迢奉板輿思玄隱几處入直倚門初夜
戶蛩蛩滿秋牆薜荔疎自憐趨祿養時復憶吾廬

甲第連雲起一枝吾自安篋中鷓鴣賦壁上鷓鴣冠客
至供蔬具人間理藥欄不須歌考室久已夢斯干

允寧
未有

子故以
祝之

東盧浚卿移居

年來頻卜築只傍帝城西省樹寒猶綠宮鶯春早啼官
閒成小隱身病愜幽棲況是盧敖宅紅塵未許迷

送吳道士

紫氣來何遠青牛又出關客程江上雪歸夢海中山風
御雙鳧去身輕一鶴還餘丹幸留贈我欲駐顏顏

送楊都諫謫貴州

子雲羞執戟萬里去金門
袞職將誰補玄文祗自論
銜恩難舌在涉險馬蹄翻
為問居夷好一官聊避喧

陳封君六十雙壽

六十鬢如絲林泉久避時
性唯便野鹿手自藝園葵
愛客常青眼傳家有白眉
醉看章服貴萊婦笑相宜

江陰花母節壽詩

故醫家

一身唯苦節三徙得仙間
欲試趨庭訓還探繫肘書
江清魚入饌秋晚藥供蔬
白首堪相慰清尊幸不虛

寄尹汝基

秋杪正愁予逢君憶歲除
頽然泉上酌慰我獨離居
烽火驚初定田園意轉疎
平生匡國願早上治安書

至後二日雪

至後雪霏霏初陽力尚微
細霑羅襪冷輕逐琯灰
飛對樹驚花發看山失翠圍
猶餘閑闕意一任積荆扉

觀出軍十首

萬騎出長安都人夾道看
旗參龍虎動劍帶鵬鵠寒
玄

社新分土黃金盡築壇九重憂正切又見選材官

聖主本修文安邊再出軍戈鋌六月雪旌旆半空雲候
騎宵中發屯營柳外分幕前文武士年少有終軍

詔出選元戎人推衛霍雄天兵六郡卒漢馬五花驄氣
蓋燕山石歌酣易水風匈奴行徙牧不敢向雲中

王師亦有征慷慨羽林兵盡說從軍樂相和出塞聲旌
麾天際下刁斗月中鳴自媿劉生勇空令氣不平

瑣甲膺朱紱銀鞍跨紫騮將軍五道出戰士百金收賈

勇多超乘論兵競借籌相期窮絕漠梟取左賢頭

君王方北顧萬里動天誅日月占兵氣風雲識陣圖邊
隅休士久將帥受恩殊一取單于帳嫖姚真丈夫

塞馬飲河汾兵符閫外分盡徵驃騎將遠逐虎狼羣燕
尾翻晴旭犀皮暗曉雲不貪麟閣畫報主藉微勲

邊警先秋報重興六月師簡書傳鳳闕兵陣動魚離吹
律風初應揮戈日乍低一軍齊洒泣為感采薇詩

大將鑿凶門邊庭節制尊登壇戈劒擁掃境鼓鼙喧投

石軍中戲推牛幕下恩折衝樽俎意千載與誰論
烽火照甘泉將軍出塞年萬夫齊決拾一鼓蕩戈鋌地
極迴看斗谷深長斷烟蕭條夕陽外應聽哭祁連

芳洲為蔡長卿題

世醫家

傳聞蔡經宅一逕入烟霞地古藤蘿合溪迴城市賒藥
畦連別塢碁局上浮槎肯念文園客相從老歲華

和鐘石學士齋夜見雪拗體二首

素心仰玄鑒靈澤先成雪六出花更繁五更綿復折瓊

筵先幄張寶鼎名香熱懷君坐中夜虛窓澹微月

北地多苦寒春半猶飛雪東郭履盡穿淵明中欲折林
花吐還縮野烟凍不熱遙瞻白玉臺羣神朝二月

輓張封君

何處訪高蹤峒嶢江上峯遺安五經笥寄傲一枝筇姓
字漁翁識茶蔬野老供無嗟終不遇身後渥恩濃

贈朱從龍外兄二首

祇為憐同病時來款竹扉藤蘿一畝宅荷芰四時衣石

几焚香坐春流抱甕歸池塘入幽夢相客各依依
歲晚不一遇知君自晏如貧收乞米帖病學養丹書野
竹編漁舫山花薦客蔬風塵初息駕莫訝故人疎

贈數疇一首

為儒長護落中歲學淵潛蕙草春三徑薔薇月半簾藥
方閒裡輯詩卷病來添野老時相訊微吟坐短簷

代贈崇安住持僧

近市開蘭若塵中得靜幾鐘催城樹曉錫伴野雲飛化

俗多傳倡持齋獨掩扉自今身得度僧法盡皈依

題華氏撫絃小像

池臺應未改山水已希聲妙寄丹青筆深傳綠綺情幽
蘭春日恨別鶴夜堂驚何必雍門客能令淚滿纓

代賀張尚寶兩歲生兩子即羅峯閣老子也

丞相好推賢金貂七葉傳恩遺掌璽日慶發夢熊年玉
樹看雙植桑弧喜再懸慚余湯餅客秋至又登筵

送萬容齋通判南雍

人言南土樂況復郡名雄五嶺雲中合諸夷徼外通家
傳孔林學俗仰曲江風驥足真堪展無嗟西復東

送南豐尹高文明

無言得官晚墨綬自為榮列宿郎官寵餘春鄉國情花
添製錦色江助酌泉清他日雙鳬至應蜚百里聲

梅窓為蔡君題

為愛孤山友閒窓手自栽塵襟風外洗野望雪中開心
賞芝蘭共年芳桃李催不嫌居近市清夢自徘徊

壽彭宣父

三月長安道東風送客歸十年桓氏學此日老萊衣江
入青春暖雲隨畫鷁飛鉅公名筆在桑梓自光輝

送羅希文掌鄞縣教

兩獻蓬萊賦嗟君數尚奇翩然從吏隱真不忝人師梁
棟他時用琴書此日宜更憐桑梓近可慰白雲思

壽沈德夫母

春日休文第東風萱草花共姜心獨苦王母髮初華綵

服迴清晝丹帔拂曉霞人間有瑤島何處覓仙家

輓盧溪江父

鳩杖迎賓日君顏幸未衰不妨親藥裏何意泣靈輜紫
誥生前寵青山故里思漳河風色暮歸路不勝悲

送李威甫掌長興教

匹馬河橋別南雲欲滿空歸心依岸柳秋色動江楓帝
命師儒重文風吳越同他年逢弟子應自識胡公

送俞汝承行二首

國計須鹽鐵君行亦壯觀一星離北極六月發長安城
樹歌殘暑河梁下急湍佇聽旋旆日獻論續桓寬

魏闕光新命秦淮戀舊遊清心鷺洲月極目牛山秋梓
里情何劇萱堂志已酬明時多雨露應自足忘憂

送朱月河判雷州二首

帝德通炎海官曹接要荒緣知今別駕非復古雷陽展
驥材堪遠歌驪思更張都門旌旆迴寒日正蒼蒼

藝苑久蜚英才高獨晚成東南多好郡江海足閒情春

樹三山合寒雲五嶺平
天門驚浪動此日仰賢聲

補送駱尹教歐四年兄使諸藩二首

螭陞虛彤管龍章下赤墀
尊親周典禮磐石漢宗支
天啟儲宮豫春迴使節遲
淮王如好客為索桂山詞

泰壇初薦冊離景又重輝
帝命先宗室天書出瑣闕
十行窺聖妙千里逐春歸
此日高堂近還看著舞衣

送潘勿齋司黃巖訓

楚楚江南士扁舟向日東
師儒新拜命吳越舊同風
海

氣藏仙宅山形擅學宮諸生相問俗試與說尤公

賀鮑如泉七十

綠水遶門閒楊花滿釣船折腰寧作吏負郭且歸田義
訓徵圖史春情屬管絃相逢不惜醉應有酒如泉

送孫志高侍母歸浙

春水正悠悠圖書上越舟潘與憐遠道華服炫晴洲况
是蓬瀛客真成天姥遊明光殘草在桂樹莫淹留

題陽峯一首

楚山奇勝處共說繡林亭今古留天柱東南發地靈
沱江深映碧巫峽遠分青雲氣時時合為霖遍四溟

芳洲贈袁太醫

明時容吏隱猶自慕滄洲絕藝成三折新詩寄四愁
為園謝機械行世任虛舟鄉夢依然在清溪雙白鷗

為顧汝隆悼亡

旅魄悲新月歸魂逐斷雲蘭芳春日盡鸞影曉窓分
廿載人間世千秋湖上墳重吟贈婦句悽切不堪聞

野寺

古寺亂田間尋僧夜未還
萬緣塵外盡雙樹月中攀
化俗多傳偈觀空獨揜關
問余還嗜酒何日住廬山

送陸鍊師歸領道會

少君初得道謁帝上清宮
鳬舫來天外鴻書秘枕中
祇緣丹室在重與世人逢
縮地元無術冷然獨御風

送益上人南歸

面壁已多年遊方向日邊
三千俱法界來去但隨緣
俗

遠詩成易溪晴杯渡便還思竹房月獨煮惠山泉

送顧槩

逢君未徂暑別去又重陽一官新拜命廿里古封疆水
落舟檣遠天清驛樹長東昌本畿輔指日見輝光

送張僉休寧二尹

石室徵勞久彤墀錫命新春光和雨露行色帶風塵折
柳聊隨俗哦松太任真君知操割否應藉佐刀人

月溪號詩

明月共千里一谿君獨幽此時堪着屐何處有藏舟猿
鶴聲如答藤蘿影漸收小山今寂寞願子勿淹留

送朱省簿樂安

居人怯中夏行子發長安尊酒憐鄉國天風思羽翰鶯
聲春盡少江色夜深寒回首孤帆遠誰歌行路難

鐵瓶草堂二首

大市多真隱名都有逸人春深草堂靜雨過棘籬新貫
蟲功非拙屠龍術不貧雲雷隨變化池上見飛鱗

喬木不知年
茆堂鎖畫烟
人疑揚子宅
門有米家船
隱跡山南霧
將雛冀北天
晚成良有會
莫自惜華顛

輓湯母

令子彈冠日
慈親屬纊時
荻灰尋舊畫
機石訝新支
上國人留輓
空庭鳥助悲
秋風不相惜
偏向楚帆吹

陽峯卷

雄勢標南郡
岐陽第一峯
雲中開錦繡
天際立芙蓉
人物全荆盛
辭華百代宗
莫牽松桂夢
密勿待從容

壽詩

遠徑春風入臨流甲第開冠裳三島客沆瀣萬年杯紫
誥兼君寵斑衣憶手栽瑤池何處是絃管夜頻催

壽呂思齋七十

北望心猶壯東風髮已華客盈文舉座春屬老萊家對
酒新烏帽傳經舊絳紗非熊行自卜十載未論賒

壽陸頤齋七十

七十健逢迎知君善養生笙歌娛晚景車馬雜春聲鶴

喚聞應慣茶經著始成漢庭方貴老章服此時榮

題惠坡

幽懷羨獨往茅屋住山坡蠟屐看鳴鳥浮觴坐淺莎
薜蘿
羅霄僧錫麋鹿駭樵歌我亦巖棲者藏書近若何

題顧與新清溪庄和唐應德韻四首

罷官應自好負郭有瓜田宦味陶元亮詩才賈浪仙
高齋聽雨枕斜月過湖船誰共幽吟者空聞招隱篇

舊是樵漁地投簪此卜居溪閒安藥磴春至檢農書
食

笋思分竹腰，鑷擬佩魚也。知濠上樂，媿我未能如。
林卧堪遺俗，村居復近湖。應門時見鶴，鼓棹不驚鳬。樹
與人俱散，溪因主亦愚。翻嫌太寥僻，庄外有桑榆。
知君閉關久，一徑落花深。書癖年長在，詩盟春更尋。
空山幾兩屐，遠道四愁吟。北望休相笑，平生魏闕心。

送周顥分教嚴州

斯文周茂叔，清節漢嚴陵。風月還誰共，雲山思獨凝。
道依家學重，教並郡賢興。庭草多幽意，高臺時復登。

和龍岡送白洛原將命護作因得歸沐

畫省猶牽袂征帆動渭潯九重將異命千里愜歸心

關

幽居忘越吟我亦多鄉思金門聊陸沈

酬包元達侍御見示之作兼致別意二首

遠道客情多停橈時共過綵衣霑雨露繡服炫星河時
論深杯酒鄉音接棹歌清江明月滿莫問夜如何

吳趨投暝發楚樹帶烟微千里占星聚雙帆逐鴈飛寧
親恩詔渥報主壯心違尊酒憐同病天涯更獨歸

郭允新宅中秋燕集限韻得王字二首

圓魄臨秋半，邀歡奉桂漿。
感時俱異客，卜夜共清光。
兔影搖鳩鵲，鴻聲度建章。
還思擬金鑑，持以奉明王。

天街秋宇淨，月露淡交光。
對此懷千古，悠然覽四荒。
開尊浮桂影，裁句競蘭芳。
未就登樓賦，多慙姓是王。

秋居五首

和靖常攜鶴，羲之本好鷺。
山陰秋日淨，湖上野烟和。
大道機中息，虛名身後多。
淵明真解此，詩酒一生過。

雲樹秋容澹悲歌野興豪蕭蘭元異種牛驥亦同槽露
白芰荷盡天清鴻鴈高朋遊隔千里魂夢為誰勞

種樹邊茅宇拋書滿石牀林居慚束帶晝坐憶含香土
木形骸拙江湖憂思長秋來頻對客山桂挹寒漿

卧遊真自得日對輞川圖燒葉茶頻煮懸錢酒旋沽大
言傾宋玉潛論學王符秋至吟尤苦臨風獨撚鬚

避樹營牆短看山引坐偏長松盤野鶴疎葉度寒蟬蜂
塢花成蜜蝸房露洗涎村居時易姓祇畏俗人傳

偶成

野外常無事多看種樹書
迂頑堪自笑躑躅欲馬如飲
客中山酒尋春下澤車
倦游頻息駕意愜即吾廬

送姚友竹二首

東風桃李滿忽向剡溪歸
江暖知鱸美春深愛蕨肥
故山麋鹿友初服芰荷衣
千里還相憶尋君舊釣磯
亦知簪組累自愛水雲居
匹馬歸來早三鱣屬望虛
閒情任吳越行李總圖書
何處堪高卧山中有草廬

書觀瀾卷贈行涂堂主簿父二首

旅館忽經年歸懷感逝川雲來震澤藪春去洞庭船
濠水思蒙吏龍門悵馬遷江湖堪寄興莫自歎華顛
青春白日好千里一帆初野色雲俱媚江聲夜轉虛
逢人談惠麓久客憶匡廬好去看消息殷勤戒子書

代作惠坡詩鄭子

由來厭朝市卜築近山家路入雲林杳籬侵石磴斜
汲泉因釀酒掃徑為看花屋角清溪轉桃源那更賒

夏日偶成

窮巷謝華軒幽齋入斷垣
卧遊非擇勝坐鍛欲辭喧
有客問奇字無人知寓言
時來松樹下長嘯似蘇門

代壽曹山人六十

釀酒擷園蔬為歡此度初
身因烏帽寵人以白眉
譽舊識尚書履今來長者車
早諳清淨理寧藉養生書

義興道中

倚棹水雲邊溪光共杳然
琴尊百里道竹樹一村烟
山

果迎秋落汀花帶晚妍夜來何處宿相逐捕魚船

登孤山用唐人張祜韻

兀坐俯孤岑翛然出世心烟霞千嶂曉桑柘半溪陰鶴
去亭猶古人幽山更深已看塵跡遠況復近東林

紫陽菴

幽翳藏靈境攀窺石磴寒奔峰度天外飛閣出林端憩
洞思探籙疏泉學者丹重來定何日明去欲辭官

崇德道中

望望越溪幽烟波橫素秋桑園多傍水荻岸一維舟落
鴈窺沙溆行人指驛樓棹歌中夜發芳杜滿前洲

吳廷宣父母雙輓

鹿門棲隱處耕織自相依忽此歌狸首初因哭少微梁
鴻山下宅孟母室中機寡落那堪問空餘明月輝

壽苗東洲七十

為儒不得意老去素風存愛客多懸榻謀身獨灌園柴
門耽舊隱紗帽奉明恩白髮春來長怡情此一尊

題文苑

常熟錢氏別業也

家本詩書業幽居總好儒
天龍座上客山海壁間圖
問字時能說鳴琴聊自娛
重來解組後不似北山逋

茹瀾堂號詩

靈液千年發虛堂半嶺懸
池喧瀑布雨窓暝具區烟
長日雲俱卧幽襟俗盡捐
吾纓如可濯攜手弄潺湲

陸節之夫婦七十雙壽

奕奕金章客歸來兩鬢星
仰天窺鶴唳閉戶著茶經
五

柳宜同傳三休已作亭使君況有婦七十共修齡

途中送春寄諸弟

客行愁節換況復是春歸
檣燕如相訊汀花亦盡飛
問程猶故國千里更遲遲
遙憶高堂燕重嗟定省違

初入都寄親知

薄宦蓬應似往來唯所飄
振衣聊息駕鳴玉更趨朝
慣學金門隱多慚華鬢饒
滄洲有故侶松桂欲相招

呂梁題養素軒

大樸元無事幽居堪自怡
雲依書幌靜石共藥欄欹
白賁存吾道玄文任俗疑
風塵千古意誰識染絲悲

野望

水漫孤村白花依別嶼
紅陰陰沙際日細細午前風
貫酒從隣媪呼舟學釣翁
一春唯寄興山色鳥聲中

寄王允寧用舊贈韻

憶昨趨金馬承恩共一時
君今卧西華我亦戀南枝
永念關中使多傳別後詩
燕雲猶自隔吳苑倍相思

送篆文生

吳客偏多藝君能解古文鴻都初待詔燕市忽離羣科
斗舟迎字鳬鷺沙漾紋相看俱得意寧惜去來勤

壽蕭尹

吏隱不違親歸來白髮新大椿宜晚歲五柳絕風塵紫
誥銜恩重斑衣獻舞頻庭中聞鳳吹蕭史是前身

歲暮送客

月窮知歲晚游子促歸心殘雪千門曙寒風百里陰目

隨長路斷情寄故園深日暮幽齋裡何人共越吟

得家書三首

三春候歸鴈四月見家書客思真無賴親恩自不疎詩
書餘舊業水竹卜新居喜極渾忘寐千金定未如

吳楚同千里君親自一心看雲遙北極望日遲南音未
返王陽馭空成越鳥吟春來江漢水何似舊時深

春盡逢南雁翻令感歲華五年猶作客一命亦為家肉
食愁黃竹萼羹想白華何時菜子服謾向故人誇

送黃三峯僉憲山東

羨爾獨懷奇為郎已後時欲觀滄海日不戀白雲司繡
斧承秋令丹書屬夜思寄車應問俗更訪嶧山碑

和陳平岡七夕韻

牛女何年事猶尋此夜盟多君先得巧搖筆報詩成秋
興尊前發河流天畔明蘭章無以報空自媿同聲

送壽昌吳尹

出宰動星文孤城百里分山猶富春古道以子陵聞鳧

寫雙看別牛刀獨樹勲重尋治縣譜美政接番君

送李仲西都諫節推大名

未厭承明直那堪祖道看象刑清禁旬持節渡桑乾朝
下衣香在焚餘諫草殘霜楓迎去馬似照寸心丹

九月七日汪維義宅對菊

他鄉七日酒應為菊花催疎鬢風前帽羈懷江上臺秋
光寒拂檻霞色暝侵杯搖落易為感酣歌日幾迴

和孫季泉韻二首

聖主正垂裳同依日月光辰共清燕聯珮此登堂座
接陳君榻衣沾荀令香明時多事業莫遺鬢毛蒼

高軒貴戚里良會小春時逸興頻催酒清談各問詩鵷
鸞天外集商羽曲中移聚散興餘慨何年更此期

會同年二首

對酒復何疑相驚十載期鯤鵬同變化鵷鷺數追隨
敝通侯第歌憐少女詞不愁歸路暝後會恐參差

綺席照朱甍侯家接鳳城歌鐘五雲近軒蓋一時傾星

聚慚名德風期協友生相看語不盡特此寄同聲

左順門問安同郭允新作

追趨雙闕下瞻拜五雲間為問君王寢相隨供奉班
啼鴉丹禁曙調馬玉墀閑佳氣葱葱合深宮護聖顏

酬歐學章見贈移居

六一歐居士琴書滿屋清故開松菊逕應有薜蘿情
客借陳君榻鄰慙求仲名趨朝慣相逐暗識玉珂聲

張映山書屋卷

君家碧山後舊業五車書欲就張衡賦先營諸葛廬下
帷山桂發隱几嶺雲嘯勤苦無須問行看上石渠

登鏡光閣

梵居依鳳闕虛閣瞰龍宮車馬三春賞山河四望通林
鮮迎佛日磬遠引皇風鳥似隨緣下僧因出定逢烟花
迷色相水樹悟真空

贈僧

杖錫去何遲東林烟雨微出山吟更苦得祿意多違鐘

鼓侈齋磬袈裟厭客衣自令身得度僧俗盡皈依

黃公澗

積雨千峯潤飛流百道懸穿林驚宿鳥激石亂鳴蟬

開共

十三字

楚相陵谷自依然

移居

儒宮無一畝宦薄易為家地入黃菑僻門依紫陌斜微吟對秋草閒步拂簷花未就登樓賦端居念歲華

安黃門曾祖母九十八壽詩

問訊日邊書高堂百歲初蘭孫五世滿甲子六身餘地
訝瑤池接星占寶婺虛賓筵秋正好仙菊照華裾

又東廬浚明移居

葵藿心常切移居近日華門窺狹斜道春傍上林花守
拙家四壁多方書五車清談留客處寒竹淨交加

步虛詞四首

王母傳青鳥秦娥控紫鸞相期瑤島外忽上綵雲端
海水年來淺桃花春去殘未能逢玉舄那得問金丹

海上三珠樹雲中七寶車空聞往來處何地是仙家洞
古羊成石林春棗似瓜刀圭雖可學歲月莫應賒
霧幄遶霓旌氤氲滿太清龍成雲蓋引虎奉嶽圖迎七
聖猶同御三天各異程試求香案吏誰是歲星精

歷歷白榆中飄飄雙玉童神宮開太一仙路接崆峒子
晉仍驂鶴浮丘亦駕鴻不須能縮地萬里自乘風

寄題前湯菴

空林迴夕照清梵尚依微野鷺窺僧鉢天花綴佛衣經

翻長日過錫伴暮雲歸欲托門人宿因觀靜者幾

銅雀伎二首

掩涕辭金屋含情向白雲衣冠新卜道歌舞舊來羣
負枕無時覺哀猿終夜聞誰言妾薄命生死只從君
漳河流日夜歌舞未能休艷色今誰妬餘香空自留朝
雲不作雨陵樹早生秋湍目多疑塚君靈在此不

具茨詩集卷二